

page :

M034

條目：

《海龍王經》[之二]

內容：

「是諸文字，去來今佛所說，……以是之故，一切文字諸所言教皆是佛言。」（一・一三七中）

3、佛告阿闍世王——龍王宿緣，受決——菩薩淨土 龍王以無決——空義答闍王

4、囑付護持——二十四菩薩各說護法 有虛空藏、不眇、寶女、海意、等、無垢光。

5、佛說神呪。

1. 「不可思議、解縛等十六正土」（一・一三二上）

2. 菩薩行中「具出家德」；「出家順戒」；「棄」；「常處樹下」；「樂處閑居」；「習燕坐」；「離諸諛諂」；「具出家慧」（一・一三三下）

離諸恐懼十事：布施，禁戒，忍辱，精進，禪定，智慧，方便，願，辯才，總持。（近十度） （一・一三四下）

3. 法師（一・一三六下） （二・一四一中）

4. 六度、四等（三・一四七下） （四・一五二中）

5. 「人如法者，人亦如也，道亦如也，佛亦如也，決亦如也，諸法亦如也，故曰如來了於本無」（三・一四九中）

6. 「於夢中，自然瑞應聞此偈曰……佛告護天：『是吾所讚，非魔所云。』」（四・一五四上）

7. 施度……智度，善權度——七度 （二・一三九中） 作佛形像 （一・一三三上）

出處：

「是諸文字，去來今佛所說，……以是之故，一切文字諸所言教皆是佛言。」（一・一三七中）

※參見《佛說海龍王經》卷1〈無盡藏品 4〉(CBETA, T15, no. 598, p. 137, b11-c3)：

佛語龍王：「如來為人說法，未曾有行、有所證也！吾之所言一切本淨，法無形色。是故龍王！諸法無像，是名佛言。又復何謂號為佛言？解一切音，無所不達，故曰佛言。察去來今，無所罣礙，故曰佛言。覺了眾言，故曰佛言。報答諸問，故曰佛言。一切所說因緣有言無所不博，故曰佛言。覺諸所說如呼聲響，故曰佛言。無字無說，故曰佛言。諸所字說亦皆佛言。所以者何？**是諸文字，去、來、今佛所說**。今佛所說者、已說之者、當來說者，**以是之故，一切文字諸所言教皆名佛言**。人如此比，曉了眾慧，是謂菩薩分別道義，故曰文字言說皆號佛言。不壞法界，忘一味慧，是謂菩薩分別經本，故曰文字言說皆號佛言。其有如應順于法慧，是謂菩薩分別順寂，故曰文字言說皆號佛言。其有說慧無處無著，是謂菩薩分別曉了。是故，龍王！一切諸法莫不歸此，分別四義。菩薩解四義者，文字言說諸所歸趣，身有所在莫不誘進皆入佛教，是故無著、本無所住，於百千劫有所言說，無能制者。所以者何？是名曰無盡之藏總持門也！」

3、佛告阿闍世王——龍王宿緣，受決——菩薩淨土 龍王以無決——空義答闍王

※參見《佛說海龍王經》卷4〈空淨品 19〉(CBETA, T15, no. 598, p. 154, c23-p. 155, a26)：

佛言：「如是，如是！大王！一切諸法皆從念興，隨其所作各各悉成，諸法無住亦無有處。」

爾時阿闍世王謂海龍王：「快哉，龍王！為得善利，乃令如來授仁之決，當成佛時，國土清嚴不可思議。」

龍王答曰：「**法無有決**。所以者何？諸法皆靜，因種、陰、入，假名曰人。其受決者，無陰、種、入，以有名色，假名為人。其受決者，無名無色，因緣報應，見思想念，假名曰人。其受決者，無有報應，無見無思，無想無念；假使菩薩等行德本，彼之德本亦無決矣。諸法相空，虛空無決，一切諸法無想無願、無為無數，不授無想無願、無為無數之決也。」

龍王復謂王阿闍世：「諸佛大哀不可思議！**諸經無名，無有思想，而說名想。諸佛、世尊無名相識，而隨習俗因而示現有授決也！彼亦無法受決，亦無內外當受決者。**」

阿闍世又問龍王言：「以得法忍逮平等行，菩薩如是乃得決乎？」

海龍王曰：「**其忍悉空**，想不可盡；究竟曉了至于本際，無盡之際；平等之際，無我之際；吾我之際，審諦之際；至于究竟，無成就際。其際以空至于脫際，姪怒癡際有了是際，則無所倚。無所倚者，設於音聲無合會；無合會者，不著無脫。無脫無行，行無所行，亦無不行，亦無所憂。已無所憂，於斯菩薩則都一切諸所作行所見無見。假使無所見，不作審諦，而已平等。入已、所住已平等度，不殘不禮，不卒不暴，以等諸法然後得忍。彼**所謂忍及所授決，若受決已及受決者，是一切法皆平等法乎。諸法界究竟無法界，無不以決了亦無所成，觀此法已，察其義理，諸法無能計者，譬如虛**

空不可計數以度諸數，諸法如是。」

4、囑付護持——二十四菩薩各說護法 有虛空藏、不眇、寶女、海意、等、無垢光。

※參見《佛說海龍王經》卷 4〈囑累受持品 20〉(CBETA, T15, no. 598, p. 155, c21-p. 156, c11)：

於是世尊告諸大士言：「諸正士！汝等當持此如來說無上正真道，使得久存。誰能堪任受持誦說如是像比？」

即時二萬菩薩、萬天子起住佛前，同音白世尊曰：「吾等當受如是像經，當令流布，普周遠近。」

佛又問言：「汝等云何而將御法，持斯如來無上正真道乎？」

彼有菩薩名曰慧英幢，前白佛言：「唯然，世尊！隱省諸法都無所持，寧能髣髴持佛道乎？」

世尊答曰：「族姓子！如斯則應持佛道。」

.....

不眇菩薩曰：「唯，世尊！我自不行，亦不遣心，亦不發意，我寧為持如來法乎？」

世尊曰：「族姓子！以是寂故，應持如來佛大道也。」

.....

虛空藏菩薩曰：「唯，世尊！其觀諸法等如虛空，不見彼法，有所執持，為護一切法乎？」

答曰：「族姓子！是應寂然。」

.....

海意菩薩曰：「唯，世尊！其以海印等一切法，修一切解味而知自然，為護法乎？」

答曰：「族姓子！是應自然。」

.....

無垢光天子曰：「唯，世尊！其見諸法無垢塵者，無眾瑕穢，解脫諸受，為護法乎？」

答曰：「族姓子！是應寂然。」

.....

寶女曰：「唯，世尊！我不見佛、佛道，觀菩薩行，為被一切志德之鎧，不察於本末，

為受法乎？」

答曰：「族姓女！是應寂然。」

無垢光女曰：「唯，世尊！於一切法不起法想，於一切人不起人想，亦不想念人法佛法，觀諸佛法入一切法，不見本末，我為受佛正法乎？」

答曰：「族姓女！是應寂然。建行如是，為受佛法。」

於是天帝釋白佛言：「未曾有也。世尊！此女人等所說辯才不可思議，分別方便；合若干音、文字之說，講于法界；不亂諸法，諸法平等；如演說道，等不差特。」

佛言：「如是，拘翼！是諸女等分別無量不可思議法，供養奉事不可計佛，以得法忍。又，拘翼！是經卷者，號『不起忍持無所御』，當為眾會廣說其義。如來滅度後受是法者，護持法城，則為供養佛、世尊已。」

5、佛說神呪。

※參見《佛說海龍王經》卷 4〈囑累受持品 20〉(CBETA, T15, no. 598, p. 156, c16-p. 157, a3)：

佛言拘翼：「有神呪，名曰遮諸妨礙。具聽！今為汝說神呪要言，使一切魔及諸外徑令諸官屬，自然降伏，使如來法光明久立。」

爾時世尊說神呪曰：

「無畏離畏 淨諸恐懼 施無畏 度於滅度無所亂 淨所亂 無所諍 不鬪訟 無懷瞋 無以歿 淨威神 威神跡 大威神寂滅 趣慈心 除於瑕 示現諦 無蹉跎 其同義 吉祥義 甘露句 見於要 以導御 無所懷 行次第 無所盡 光無生 清淨生 鮮潔光照句 等順於等心 至無上 佛所建立戒清淨 無所犯 無所負 制魔場 降外徑 光耀法明 攝以法施 開法藏

「今是神呪，過去、當來、今現在佛所說，以擁護法而順句義，以此章句總執降伏一切諸魔塵勞跡也！」

1. 「不可思議、解縛等十六正士」(一·一三二上)

※參見《佛說海龍王經》卷 1〈行品 1〉(CBETA, T15, no. 598, p. 131, c12-p. 132, a17)：

「一時佛遊王舍城靈鷲山，與大比丘眾俱，比丘八千，菩薩萬二千，一切大聖十方來會——眾德具足，得諸總持；無所不博，辯才至真；決一切疑，入大神通；分割慧義諸度無極，濟於彼岸究暢開士，定意正受諸佛諮嗟；普遊殊域，神足飛行，降化眾魔；分別諸法，知如本諦，觀見一切眾生之原；積累道品，於世八法而無所著，以大慈悲嚴身口意；被無極鎧過大精進，於無數劫而不厭倦；為師子吼開化外道，以不退

轉印如印之；曉了諸佛深要法藏——其名曰：山光菩薩、惠山菩薩、大明菩薩、總持山剛菩薩、山鎧王菩薩、山頂菩薩、山幢菩薩、山王菩薩、石磨王菩薩、雷音菩薩、雨王菩薩、寶雨菩薩、寶英菩薩、寶首菩薩、寶藏菩薩、寶明菩薩、寶幢菩薩、寶頂菩薩、寶印手菩薩、寶暢菩薩、寶嚴菩薩、寶水菩薩、寶光菩薩、寶鎧菩薩、寶現菩薩、寶造菩薩、樂嚴法菩薩、淨王菩薩、嚴頂相菩薩、金光飾菩薩、寶髻菩薩、天冠菩薩、千光菩薩、原嶮菩薩、照昧菩薩、月辯菩薩、發意轉法輪菩薩、金光淨菩薩、常施無畏菩薩。萬二千菩薩，德皆如是。是賢劫中大士彌勒、軟首等六十大聖，**不可思議、解縛等十六正士**，帝釋、四天王與忉利天人俱；焰天、兜術天、不憍樂天、化自在天、魔子道師、梵天王、梵淨天王、善梵天王、梵具足天王、大神妙天、淨居天、離垢光天，乃至一善天、燕居無善神王，各與眷屬六萬，山樹神王四萬二千，力士神王，一名持華，三萬二千，與香音神俱；無焚龍王與七萬二千諸龍俱；四方金翅鳥王，及餘一切諸大尊神、天龍鬼神、無善神、鳳凰神王、山樹神王、甜柔神等，各與眷屬來詣佛所。稽首畢，一面住。比丘、比丘尼、清信士、清信女前為佛作禮，各坐一面。」

2. 菩薩行中「具出家德」；「出家順戒」；「棄」；「常處樹下」；「樂處閑居」；「習燕坐」；「離諸諛諂」；「具出家慧」（一・一三三下）

※參見《佛說海龍王經》卷1〈行品 1〉(CBETA, T15, no. 598, p. 133, b20-p. 134, b4)：

「復有五事所聞無厭。何等五？博聞智慧，利於明達，聞無厭足；普聽不懈，決諸狐疑，聞無厭足；因聞覺了塵勞恚恨，故無厭足；因聞斷欲而除一切眾生垢著，故無厭足；因聞勇猛決一切疑，故無厭足；是為五。……

復有五事**具出家德**。何等五？所作已成，不復忘失；滅除塵結；其心當捨一切諸著；諸佛、世尊不訟其短；已得解脫，見諸縛者為說脫法；是為五。復有五**出家順戒**。何等五？救順禁法救濟毀戒，順諸所聞救濟諍聞，順所定意救濟亂心，順所智慧救濟惡智，順所度知立於眾人安隱無為；是為五。……

復有四法**常處樹下**。何等四？不惜身命，奉行一切諸德善法，發神通慧，行寂然事天人欣悅；是為四。復有四事**樂處閑居**。何等四？發大哀以處閑居，諸佛所歎；欲救眾生，無偏邪行；坐成佛時，莊嚴自由，不為塵勞；學餘菩薩究竟之行，積閑居德，入於郡國、縣邑、聚落為眾說法；是為四。復有三事而**習燕坐**，最尊無上功德微妙為賢聖行。何等三？不習憎愛亦無所慕；自在離欲，心無縛著；行步自由，等心一切，疾得定意；是為三。復有三事**離諸諛諂**：其心質直而無恚恨，已住於行，眾結便斷；是為三。復有八事**具出家德**。何等八？賢聖知足在於獨處，得知限節，逮諸博聞，棄恨忍辱，不捨道心，行四意止，專精定意而應智慧，一切所興以行為要；是為八。……

復有六事而得通慧。何等六？適見如來，得天眼淨；合會說法，得天耳淨；制伏其心，見眾生意；常習六念，得識宿命；棄諸貪濁，逮成神足，輕舉能飛；遵修諸法，得盡諸漏；是為六。」

離諸恐懼十事：布施，禁戒，忍辱，精進，禪定，智慧，方便，願，辯才，總持。(近十度) (一·一三四下)

※參見《佛說海龍王經》卷1〈行品 1〉(CBETA, T15, no. 598, p. 134, b28-p. 135, a15)：

佛復告龍王：「何謂所見無蓋？諸有塵勞除一切垢；所有罣礙現生死本，導御泥洹；現聲聞、緣覺乘，化至道場；隨勸習俗，示人行寂。是謂無蓋。……復有十事離諸恐懼，行菩薩事。何等十？行於布施，以莊嚴想；立于禁戒，斷諸惡趣；遊於忍辱，諸根不亂；堅強精進，種善不倦；修行禪定，其心不荒；成于智慧而離塵勞；善權方便曉了無邊聖智之願，得分別事；解知法義，辯才隨順；速得總持，決除眾生諸所狐疑；得住佛住，護一切法；是為十。復有八事御退轉者。何等八？……復有四事為佛世尊所見授決。何等四？情性和順，奉遵于法；具足諸行，觀清白行；速得慧力，解一切心；了諸法本淨，不起不滅，所由不亂。」

3. 法師 (一·一三六下) (二·一四一中)

※參見《佛說海龍王經》卷1〈無盡藏品 4〉(CBETA, T15, no. 598, p. 136, c16-29)：

佛言：「其有菩薩施諸眾生若干安隱，若為人說一句無常、苦、空、非身之義，空、無相、無願，無我、無人、無壽、無命、不生不起之事，則是施安福難稱量。所以者何？有為之安眾生皆更，無為之安未曾歷也。彼其以此深妙之法而暢音聲，於無為安以為服食。是故菩薩欲自立義具世人願，當學深妙之法。若有菩薩所在會坐，捨深妙法，說雜句飾，則為斷絕正法之化。所以者何？是深妙法布閻浮利而不沒盡，人所聽受，樂於法者，不足言耳，非人最多。假使法師藏深妙法，讀雜句者不樂深法，天則不歡悅：『是族姓子！隨世所樂而說俗事。嗚呼痛哉！此眾會中無說法者。』心懷悵憾，而退捨去。」

※參見《佛說海龍王經》卷2〈總持門品 7〉(CBETA, T15, no. 598, p. 141, b20-c10)：

佛告龍王：「是諸法句，為護無盡之藏總持。其有法師受是章句六十二事，若諷誦者，得三十二無所畏。何謂三十二？博聞無畏，諮嗟他人；處處無畏，言無缺短；如應無畏，棄捐鄭重；而無所畏，隨音所入；辯才無畏，無所罣礙；其心無畏，奉受道心；其志無畏，歡悅眾人；行步無畏，速決狐疑；覺意無畏，觀察眾人；無闕無畏，言行相應；無缺無畏，戒禁清淨；心面無畏，忍辱清淨；堅強無畏，於審諦願而不轉還；所處無畏，心不謬亂；辯慧無畏，能悅眾會；智慧無畏，知深妙法；降化無畏，離於調戲；師子無畏，伏諸外道；無受無畏，無衣食悅；無瑕無畏，降伏眾賊，令住正見；無愆無畏，智者不毀；導御無畏，不亂眾經；說等無畏，隨時而教；無諂無畏，言行相應；離慢無畏，見一切人；謙順無畏，無盡句本行修善；發遣所問無畏，開化一切無量法教；隨眾無畏，己身淨故；降魔無畏，除諸塵勞；大慈無畏，心不懷害；大哀無畏，將護眾生；智慧無畏，以法治國。」

4. 六度、四等（三·一四七下）（四·一五二中）

※參見《佛說海龍王經》卷3〈十德六度品 11〉(CBETA, T15, no. 598, p. 147, c5-20)：

佛語龍王：「是調十善布施，莊嚴廣大乃爾！此十善行，**以戒莊嚴**，以自具願，得諸佛法；**以忍莊嚴**，諸相種好，成佛音聲；**以精進莊嚴**，降伏魔怨，以佛道法有所超度；**以禪莊嚴**，心意所趣而以清淨；**以智慧莊嚴**，除諸枉見；**行慈莊嚴**，當以仁和，不害眾生；**行哀莊嚴**，不捨黎庶；**行喜莊嚴**，無懈厭心；**行護莊嚴**，得無所著，斷諸疑結；**行思莊嚴**，勸化群萌；**行意止莊嚴**，止身諸痛痒，心法具足；**行意斷莊嚴**，斷諸惡法，具足善德；**神足莊嚴**，神足輕舉；**五根莊嚴**，堅固其行，以上精進而無放逸，以心修治除諸塵勞；**五力莊嚴**，以質直心降化眾怨；覺意莊嚴，曉了諸法，如本所由；八路莊嚴，懷來正慧；**寂然莊嚴**，滅除一切諸垢塵勞；**以觀莊嚴**，觀諸法本，審諦悉無；**善權莊嚴**，有數無數、有為無為，具足安隱。」

5. 「人如法者，人亦如也，道亦如也，佛亦如也，決亦如也，諸法亦如也，故曰如來了於本無」（三·一四九中）

※參見《佛說海龍王經》卷3〈無焚龍王受決品 13〉(CBETA, T15, no. 598, p. 149, b7-18)：

佛語龍王：「解諸法等，無受決者、不成等覺。且觀于是，如來堅固，興無極哀，及諸菩薩勸樂之力，諸法如是，以無央數為人解說，合會有數。於諸法觀無解脫人、法亦不度。**人如法者，人亦如也，道亦如也，佛亦如也，決亦如也，諸法亦如也，故曰如來。了於本無**，住本無故，而不可動，故曰本無。本無像、本無壞，解了本無，故曰如來。以如來故，等住本無，諸法如是等如本無住，是為如來等住之地。其有菩薩聞是說者，不恐不怖，不畏不難，以是如來等住之地，為人解說。」

6. 「於夢中，自然瑞應聞此偈曰……佛告護天：『是吾所讚，非魔所云。』」（四·一五四上）

※參見《佛說海龍王經》卷4〈法供養品 18〉(CBETA, T15, no. 598, p. 154, a12-b2)：

「於夢中，自然瑞應聞此偈曰：

「『王以供養大聖人，甚多無量難思議，

常興慈哀於眾生，當發最上菩薩心。

是供養尊妙第一，此則奉敬諸如來，

其有能發菩薩志，則為度世威神德。』」

佛告阿闍世王：「其護天轉輪聖王，夢聞此已，寤自驚怪：『吾供養佛四百二十萬歲，佛說經法章句各異，初未曾聞如此偈經，是佛說邪？魔所云乎？』即疏偈文而諷誦之。時光淨照耀如來行遊諸國，聖王即與八萬四千王及八萬四千后、國中臣民，其諸

往者各八萬四千，俱往追佛，欲決斯疑。即逮見佛，稽首足下，敬問無量，即白佛言：『吾供養佛四百二十萬歲，佛說經法若干種義。我昨夜夢，夢中見佛說此二偈，寤甚驚怪，未從如來聞此偈教，不審佛所歎乎？魔所說耶？今故遠來欲決此疑！唯願世尊分別說之！』**佛告護天：『是吾所讚，非魔之所云。』**王又白佛言：『我奉事世尊若干億歲，供養衣食無所乏少，為我說經章句各異，爾時何故不歎此義？』」

7. 施度……智度，善權度——七度 （二·一三九中）

※參見《佛說海龍王經》卷 2〈總持身品 6〉(CBETA, T15, no. 598, p. 139, b8-13)：

「**施度**無極，漿食也；**戒度**無極，泰安也；**忍度**無極，莊嚴也；**精進度**無極，作善剋辦也；**一心度**無極，飽滿也；**智度**無極，隨時順也；**善權度**無極，二句合義也；道品身支，黨也。講說至誠，未曾侵欺，一切世間尊豪自由，於法自恣。」

作佛形像 （一·一三三上）

※參見《佛說海龍王經》卷 1〈行品 1〉(CBETA, T15, no. 598, p. 133, a7-18)：

佛言：「菩薩有四事棄諸惡趣。何等為四？菩薩無害心於眾生，常護十德，不說人短亦不輕慢，自省己過不訟彼穢；是為四。復有四事超出諸難。何等為四？常歎三寶佛、法、聖眾，有樂法者而不燒亂，不造人疑，有猶豫者悉開導之；是為四。復有四事生天上人間。何等四？不捨道心，又教他人亦不毀戒，心願清淨，為人說經而發大哀；是為四事。復有八事不離諸佛。何等八？常念諸佛，供養如來，嗟歎世尊，**作佛像形**，勸化眾生使見如來，其所向方聞佛之名，願生彼國志不怯弱，常樂微妙佛之正慧；是為八事。」

條目：

《密迹金剛力士會》

內容：

密迹金剛力士會 七卷 竺法護譯（11）

中應曠野城金剛手供七日

出處：

※參見《大寶積經》卷 13 （CBETA, T11, no. 310, p. 74, a19-26）：

爾時世尊從曠野鬼王土密迹金剛力士宮受供七日，開化無數眾生。七日之中忽沒曠野宮踊在虛空，與諸菩薩及聲聞眾，一切諸天於上普共供養佛及聖眾，諸玉女眾咸共諮嗟演大光明，諸天人伎百種自鳴，空中雨華，佛土大動顯佛大變。佛沒密迹力士宮殿，猶鳳凰王還住靈鷲山。佛在靈鷲山與比丘眾俱，及諸菩薩眷屬周旋，各思道教。